

भैरु रो दरबार, जग में सबसुं न्यारो हैं..

भैरु रो दरबार, ई जग में सबसुं न्यारो हैं,
ओ तो भक्तों रो रखवालो हैं,
भैरु रो दरबार, ई जग में सबसुं न्यारो हैं..

भय दुर कर देवे, हर संकट हर लेवे, भैरु थारो नाम हैं,
भुत प्रेत वाने नजदीक ना आवे, जठे थारो वास हैं..
तेरे भक्त सभी, भैरु बिन ना चालें गुजारो है,
ओ तो भक्तों रो रखवालो हैं,
भैरु रो दरबार, ई जग में सबसुं न्यारो हैं..

दुःखियों रा दुःख हर्या, जो आया भाव भर्या, भैरु थारा दरबार मे,
आंधो ने आख्या दी, कोड़ी रा कोड हर्या, म्हारा सरकार ने..
म्हाने तो भैरु, थारा नाम रो सहारो हैं,
ओ तो भक्तों रो रखवालो हैं,
भैरु रो दरबार, ई जग में सबसुं न्यारो हैं..

भक्तों री या वाणी, घर घर में हैं जानी, गावा थारा गीत हैं,
विपिन भी ओ केवे, म्हारा जीवन रखवाला, लागी थासूं प्रीत हैं..
जनम जनम रो साथ, भैरु थाने ही निभानो हैं,
ओ तो भक्तों रो रखवालो हैं,
भैरु रो दरबार, ई जग में सबसुं न्यारो हैं..

<https://bhajanganga.com/bhajan/lyrics/id/1909/title/bhairu-ro-darbar-jag-me-sabsu-nyaro-hai-ao-to-bhagto-ro-rakhwala-hai>

अपने Android मोबाइल पर [BhajanGanga](#) App डाउनलोड करें और भजनों का आनंद ले |